



REPUBLIKA E SHQIPËRISË
AUTORITETI I MBIKËQYRJES FINANCIARE
BORDI

VENDIM

Nr. 91, datë 28.04.2022

MBI

MIRATIMIN E PËRSHTATSHMËRISË SË SHOQËRISË “REGJISTRI SHQIPTAR I TITUJVE ALREG” SH.A. ME KËRKESAT E LIGJIT NR.62/2020 “PËR TREGJET E KAPITALIT” SI DHE MIRATIMIN E RREGULLORES OPERACIONALE TË NDRYSHUAR

Në bazë dhe për zbatim të nenit 14, pika 22 të Ligjit nr. 9572, datë 03.07.2006 “Për Autoritetin e Mbikëqyrjes Financiare”, i ndryshuar, neneve 211, 212, 224, 226 dhe 377, pika 1 të Ligjit 62/2020 “Për Tregjet e Kapitalit”, Autoriteti i Mbikëqyrjes Financiare,

K O N S T A T O I S E:

Ligji nr.62/2020 “Për Tregjet e Kapitalit”, në nenin 377, pika 1, parashikon se: “Të gjitha subjektet e licencuara në përputhje me kërkesat e Ligjit nr.9879, datë 21.02.2008 “Për titujt”, vijojnë veprimtarinë për të cilën janë licencuar, me kusht që brenda 18 muajve nga hyrja në fuqi e këtij ligji, të përshtaten me kërkesat e këtij ligji”.

Për të vijuar veprimtarinë për të cilën është licencuar, shoqëria “Regjistri Shqiptar i Titujve ALREG” sh.a., duhet të përshtatet me kërkesat dhe kushtet e Ligjit nr. 62/2020 “Për Tregjet e Kapitalit”.

Shoqëria “Regjistri Shqiptar i Titujve ALREG” sh.a., aktualisht mban licencën nr. 2/1, datë 19.12.2019 “Për ushtrimin e veprimtarisë së organizimit dhe administrimit të të dhënave për titujt si dhe të klerimit dhe shlyerjes së tyre”, pas zgjerimit të licencës nr. 2, datë 31.01.2019 për ushtrimin e veprimtarisë së organizimit dhe administrimit të të dhënave për titujt.

Gjithashtu, shoqëria mban licencën nr. 2, datë 1.11.2019 nga Banka e Shqipërisë si “Operator i sistemit për shlyerjen e titujve”, në zbatim të Ligjit nr. 133/2013 datë 29.04.2013 “Për sistemin e pagesave” dhe Rregullores nr. 26 datë 29.03.2019 të BSH “Për licencimin, rregullimin dhe mbikëqyrjen e operatorëve të sistemeve për shlyerjen e titujve”.

Licenca që mban ALREG nga pikëpamja e veprimtarive të lejuara është e njëjtë me shërbimet që kryen Regjistrari, si dhe Depozitari Qendror i Titujve, sipas parashikimeve të Ligjit nr. 62/2020 “Për tregjet e kapitalit”.

Për efekt të përshtatshmërisë me kërkesat e Ligjit nr. 62/2020 “Për Tregjet e Kapitalit”, shoqëria “Regjistri Shqiptar i Titujve ALREG” sh.a ka rishikuar statutin, rregulloren operacionale dhe procedurat e saj.

Për sa më sipër, Bordi i Autoritetit të Mbikëqyrjes Financiare,

V E N D O S I:

1. Miratimin e përshtatshmërisë së shoqërisë “Regjistri Shqiptar i Titujve ALREG” sh.a. sipas kërkesave të Ligjit 62/2020 “Për Tregjet e Kapitalit”, për të vepruar si Regjistrar dhe Depozitar Qendror i Titujve për:

Shërbimet kryesore:

- i. Regjistrimi fillestar i titujve në një sistem regjistrimi (“Shërbimi i Regjistrimit Fillestar”).**
- ii. Ofrimi dhe mbajtja e llogarive të titujve (“Shërbimi Qendror i Mirëmbajtjes së Llogarive”).**
- iii. Operimi i sistemit të shlyerjes së titujve (“Shërbimi i Shlyerjes”).**

Shërbimet ndihmëse jobankare:

A. Shërbime të lidhura me sistemin e shlyerjes, si:

- i. Organizimi i një mekanizmi të huadhënies së titujve, si agjent midis pjesëmarrësve të sistemit të shlyerjes së titujve;**
- ii. Ofrimi i shërbimeve të administrimit të kolateralit, si agjent për pjesëmarrësit në sistemin e shlyerjes së titujve;**
- iii. Koordinimi i pagesave, transmetimi i urdhrave, konfirmimi i tregtimit, verifikimi i tregtimit.**

B. Shërbime të lidhura me shërbimet e regjistrimit fillestar dhe të mirëmbajtjes qendrore të llogarive, si:

- i. Shërbimet që lidhen me mbajtjen e regjistrave të aksionarëve;**
- ii. Ofrimi i asistencës për trajtimin e procedurave të shoqërisë tregtare, përfshirë ato tatimore, asambltë e përgjithshme dhe shërbimet e informacionit;**
- iii. Shërbimet lidhur me emetimet e reja, përfshirë caktimin dhe administrimin e kodeve ndërkombëtare të identifikimit të titujve ISIN dhe kodeve të tjera të ngjashme;**
- iv. Transmetimi dhe përpunimi i urdhrave, mbledhja dhe përpunimi i tarifave dhe raportimet lidhur me to.**

C. Krijimi i ndërlidhjeve të depozitarit qendror të titujve, ofrimi, mirëmbajtja ose operimi i llogarive të titujve për shërbimin e shlyerjes, administrimin e kolateralit dhe shërbime të tjera ndihmëse.

D. Çdo shërbim tjetër, si:

- i. Ofrimi i shërbimeve të përgjithshme të administrimit të kolateralit si agent;
 - ii. Ofrimi i shërbimit të raportimit rregullator;
 - iii. Ofrimi i informacionit, të dhënave dhe statistikave zyraive të tregut/censit ose subjekteve të tjera shtetërore ose ndërqeveritare;
 - iv. Ofrimi i shërbimeve të teknologjisë së informacionit.
2. Miratimin e rregullores operacionale të ndryshuar të shoqërisë “Regjistri Shqiptar i Titujve ALREG”.
 3. Ngarkohet Departamenti i Mbikëqyrjes së Tregut të Kapitaleve dhe Fondeve, si dhe Drejtoria e Licencimit për njoftimet dhe ndjekjen e zbatimit të këtij vendimi.

Ky vendim hyn në fuqi menjëherë.

KRYETAR

Olsi ÇOKU

DREJTOR I PËRGJITHSHËM EKZEKUTIV

Ervin METE